



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Titvlvs XXXIV. De Trevga Et Pace.

[urn:nbn:de:hbz:466:1-62559](#)

pore. Ita sumitur ex hoc c. & notauit Innocent hic n. 2. Ioann. Andr. n. 6. Sed Praetatorum Bituricensis prouinciae assensus necessarius non erat, quia ipsorum non intererat; seu de ipsorum praetudicio non agebatur.

3. **NOTANDVM III.** Spectato communione, ad tractatus Vniuersitatis (excepta elecione Praetati) necesse non est absentes vocari, tametsi causa ardua sit. Ita docet Gl. in c. 2. ver. ipsorum, de testibus, in 6. Abb. hic not. 2. & plerique alij apud Felinum in c. etiam omnes, n. 22. de Constit. argum. c. hoc ius, causa 10. q. 2. Sed quia Innocent. in c. 2. circa medium, de noui operis nuntiat. & alij quidam contrarium sentiunt, ideo securius est, ut in rebus valde arduis etiam absentes, quatenus fieri potest, vocentur: quod etiam quibusdam Ecclesijs per consuetudinem receptum est.

4. **NOTANDVM IV.** Capitula non aliter citari solent, nisi ut Procuratorem mittant. Quia si totum Capitulum personaliter ve-

niret, Ecclesia seruitio suo destitueretur. Ita Abb. hic, ver. Item nota.

C A P I T U L U M Vn.
cod. Tit. in 6.

Episcopali.

Vacante Sede Episcopali, Capitulum, seu aliud, ad quem tunc Episcopalis iurisdictio spectat (videlicet administrator à Papa constitutus, iuxta c. is cui, 42. de elect. in 6. c. vlt. de suppl. negl. Praet. eod. lib. Vel is, quem Capitulum ut administrarem constituerit, secundum Gl. hic ver. ad quem) potest excommunicatos à iure, vel ab homine absoluere, sicuti Episcopus posset, si viueret: nisi Sedes Apostolica specialiter interdixerit.

NOTANDVM Vn. Capitulum, vacante Sede, exercet iurisdictionem Episcopalem, exceptis ijs causis, quos vel ipsum commune ius excipit, vel Pontifex specialiter interdicit. Quia de re sufficienter dictum est in c. cum olim, 14. extrah. hoc ut.

TITVLVS XXXIV. DE TREVGA ET PACE.

Osteaquam de Ecclesiasticis potestatibus atque iudicibus dictum fuit, consequens esset, ut de ipsis iudiciis ageretur: Sed quia præstat, ut si fieri possit, dissidentes ac litigantes, seu Superiorum auctoritate, seu proprijs pactionibus ac transactionibus ad concordiam redigantur, ideo de pace, treuga, seu belli inducijs, pactis, & transactionibus subiungitur, ante tractatum de iudiciis. *Quod & Iureconsultos egisse videbis in lib. 2. tit.*

14. Forum.

S U M M A R I U M.

1. Si publica dissidia seu bella inter civitatem seu populos subiectos oriantur, ad Principem seu Superiorum spectat, ut pacibus compositionem, seu pacem impetr.
2. Si priuati inter se lites foveant, & iudicio contendere velint; ordinari cogi non possunt ad transactionem.
3. Qui probabiliter timet ab auxiliario suo offendam vel violentiam, potest a iudice petere, ut ille preffet cautionem de non offendendo.

Dispu-

Disputant hic Abb. & Felinus: Vtrum superius Ecclesiasticus, aut secularis cogere possit subdilos ad transigendum, seu pacem componendam. Resp. & dico I. Si publica dissidia, seu bella inter ciuitates, aut populos subiectos orientur, ad Principem seu Superiorum spectat, ut partibus compotitionem, & pacem imperet, iuxta Auth. de mandatis Principum. §. Deinde, iun. Gl. ver. pacem, & l. congruit, 13. de offic. Præsidis, vbi id notat Bartol. n. 4. Abb. hic n. 1. Et n. 2. inquit, Si Princeps subditos ad pacem faciendam cogere potest; multò magis ad treugam seu inducias belli: Qui enim totum potest efficere, is etiam partem: sed inducæ sunt veluti pars factæ pacis, seu pax, & securitas ad tempus rebus, ac personis constituta secundum Gl. in c. 1. ver. treugas, hoc tit.

Dico II. Si priuati inter se lites foueant, & iudicio contendere velint, ordinariè cogi non possunt ad transactionem. Ita habetur in Auth. Vt litigantes intrent, cap. vlt. ex communi docet Felinus hic princ.

Excipitur primò: Nisi exinde bellum publicum, aut alia Rei publ. turbatio timeatur, vti docent DD. communiter, arg. cit. l. congruit, & videri potest Felinus congruent. 4. & 5. Eadēque ratione summus Pontifex Christianos Principes ad pacem ineundam compellere potest, si ex bello magnum Ecclesiæ detrimentum, & animarum periculum timeatur, vti hic docet Abb. arg. c. nouit, 13. de iudic. & c. 1. hoc tit.

Excipitur secundò: In causa valde intricata, si partes diu litigauerunt, & finis controuersiæ breui tempore non speretur, ludex ad compositionem, vel compromissum cogere potest; non tantum si causa sit criminalis, soper qua transigi potest, sed etiam, si ciuilis. Ita Abb. hic n. 2. Felinus n. 1. Imola in c. 1. de mutuis petitionibus, n. 9. arg. c. placuit, d. 90.

Excipitur tertio: Quod in causis, quæ Principis liberæ dispositioni subiectæ sunt, partes litigantes ciuius compelli possunt ad componendum. Huiusmodi sunt causæ beneficiæ comparatione Papæ, vti docet

Imola l. c. Abb. in c. cùm pridem, n. 6. de pacis, Felinus hic, fallent. 2.

Secundò disputant hic Abb. & Felinus, n. 10. Qui verisimiliter timet, ne ab aduersario suo offendatur, aut violentiam patiatur, vtrum Iudicis officium implorare possit, vt illum adigat ad præstandam cautionem sufficientem de non offendendo. Responsio est affirmativa; dummodò periculum offensionis notiorum sit, alioquin causæ cognitio præmittatur. Quod si etiam alter probabilem timorem offensionis alleget, tum mutuam cautionem præstare cogentur, vt Felinus hic notat declarat. 6. Atque hoc casu mutui foederis, qui prior offenderit, violatæ pacis pœnas incurrit; non autem qui posterius: quandoquidem promissio vel iuramentum non offendendi tacitam conditionem habet, si & tu promissam pacem seruaueris, arg. c. peruenit, 3. de iure iuri. & reg. 76. Frustra fidem quis sibi postulat, seruari ab eo, cui fidem à se prestitam seruare recusat.

C A P I T U L U M . I.

Treuga.

P A R A P H R A S I S.

Certis anni diebus, ob mysterium ac reuentiam sacri temporis ab armis cessandum est, seu inducæ seruandæ. Si quis autem violare ausus fuerit, Episcopus proprius, post tertiam monitionem, excommunicationis sententiam in illum scribat, atque vicinis Episcopis scriptam denuntiet, vt confirmata ab omnibus sententiâ, nemo hominem illum in communionem recipiat.

S U M M A R I U M .

1. Inducæ aliae conventionales, & aliae legitime, seu per legem constituta, & hoc c. enumerantur, quibus tamen dudum derogatum, vel hac constitutio nunquam recepta est.
2. Ad Episcopos potissimum spectat, vt pacem

B b b b b 3 cem

cem inter Christianos Principes, quatenus id possibile est, constituant.

A Duerte, quod induciae aliae conuentionales sint, & aliæ legitimæ, seu per legem aut Superioris præceptum constitutæ. Conventionales inter gentium iura numerantur in c. ius gentium, 9. d. 1. Nam omnium gentium consuetudine, secundum naturalem æquitatem constitutum est, ut etiam hosti fides data seruetur; cum alioquin humani generis societas consistere bene non potest, licet dixi lib. 2. tr. 3. c. 12. q. 5. Per legem constituta induciae sunt, quæ hoc c. numerantur. Verum per diuturnam consuetudinem his inducijs dudum derogatum fuisse, aut fortasse constitutionem istam nunquam receptam fuisse, monet Gl. communiter recepta, hic, ver. frangere, & videri hic potest Abb. n. 4.

NOTANDVM II. Ad Episcopos potissimum spectat, ut pacem inter Christianos, quatenus id possibile est, constituant: cum charitate, & pace nihil præstantius, & ad animarum salutem magis necessarium sit. Videri possunt, quæ Gratianus concessit d. 90.

CAPITVLUM II.

Innouamus.

PARAPHRASIS.

Presbyteri (seu Clerici) Monachi & eorum Conuersi, item peregrini, mercatores, rustici, viatores, & in agricultura existentes, animalia quoque, quibus arant, & semina portantur ad agros, plena securitate gaudent,

S V M M A R I V M.

1. Personæ hic recensita debent plena securitate tempore belli gaudere, scil. persona Ecclesiastica, peregrini, mercatores, & agricole.
2. Mercatores tamen & agricole suis boni spoliari possunt, si aliter pax & victoria obtineri nequeat. Interdum etiam deuastatione agrorum puniri subditos possunt & debent, si tanta sit alicuius Communitatis perueritas & contumacia, ut malum hoc necessario remedio opus habeat.

INTER personas hic numeratas quedam non sunt partes Reipubl. nocentis, cora quam iustum bellum offensuum geritur, videlicet personæ Ecclesiastice, ac peregrini: Et haec boni suis spoliari non possunt, multo minus in corpore puniri; cum nec per se ipsas iniuriam intulerint, ut ponimus, nec per accidentem, seu ratione Reipubl. nocentis, cum eius partes seu membra non sint. Quædam vero personæ sunt partes Reipubl. nocentis, ut mercatores, & agricole; & his parendum est propter publicam necessitatem, ne commercijs & agriculturâ impeditis, maius incommode inferatur.

Interdum tamen licitum esse dictas personas boni suis spoliare, si aliter victoria & pax obtineri nequeat, tradidi in lib. 2. tr. 3. c. 12. q. 3. dicto 3. Interdum vero tanta alicuius Communitatis perueritas est, & contumacia, ut quibuscumque modis, etiam deuastatione agrorum, puniri subditos eius licet, immo necessarium sit: praterquam quod ipsis etiam interdum mercatores, & agricole personaliter nocentes, id est que puniendi sunt. Vide quæ dixi eod. c. 12. q. 1. & 3.



TITV.